



REPUBLIKA E SHQIPËRISË

ENTI RREGULLATOR I SEKTORIT TË FURNIZIMIT ME UJË DHE  
LARGIMIT E PËRPUNIMIT TË UJËRAVE TË NDOTURA  
KOMISIONI KOMBËTAR RREGULLATOR

Nr. \_\_\_\_\_ prot.

Tiranë, më \_\_\_\_\_.\_\_\_\_.2023

**VENDIM**

**Nr.11, datë 03.03.2023**

**PËR LICENCIMIN E SHOQËRISË RAJONALE UJËSJELLËS KANALIZIME  
BERAT SH.A.**

Në mbështetje të neneve 13, 14, 15, 16 dhe 17 të ligjit nr. 8102 datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", i ndryshuar (**Ligji nr. 8102**), VKM nr. 958, datë 06.05.2009 "Për miratimin e kategorive të licencimit dhe të procedurave për aplikim për licence" (**VKM nr.958**), si dhe vendimit të Komisionit Kombëtar Rregullator nr. 29 datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar (**Rregullore e licencimit**),

**Komisioni Kombëtar Rregullator,**

në mbledhjen e datës 03.03.2023 pasi shqyrtoi çështjen me objekt: "Mbi miratimin e vendimit "Për licencimin e shoqërisë Rajonale Ujësjellës Kanalizime Berat sh.a.",

**Konstaton se:**

1. Shoqëria Rajonale Ujësjellës Kanalizime Berat sh.a me shkresën nr.188 prot. datë 21.02.2023, ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (**ERRU**) kërkesën për licencim.
2. Komisioni Kombëtar Rregullator (**KKRR**) e gjeti paraqitjen e kërkesës për licencim të Shoqërisë Rajonale UK Berat sh.a në konformitet me kriteret dhe procedurën e parashikuar në VKM nr. 958 dhe Rregulloren e licencimit, "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", i ndryshuar, si dhe në zbatim të parashikimeve të VKM nr. 302, datë 11.05.2022 "Për Politikat Kombëtare për Riorganizimin e Sektorit të Furnizimit me Ujë dhe të Largimit, Trajtimit dhe Përpunimit të Ujërave të Ndotura" (**VKM nr. 302**).

3. Referuar kërkesës dhe dokumentacionit shoqërues, rezulton:

- a) Shoqëria Rajonale Ujësjiellës Kanalizime Berat sh.a (NUIS M23511002O) është themeluar më datë 04.11.2022, me aksionarë Ministria e Infrastrukturës dhe Energjisë me 51% dhe Bashkitë Berat me 23.01%, Dimal me 5.39%, Poliçan me 3.58%, Kuçovë me 12.32%, Skrapar me 4.7%.
- b) Shoqëria Rajonale UK Berat sh.a ofron shërbimin e furnizimit me ujë dhe largimit të ujërave të ndotura për 155 928 banorë të Bashkive Berat, Skrapar, Poliçan, Dimal, Kuçovë.
- c) Drejtues teknik i shoqërisë znj. Evis Allajbe është diplomuar në Universitetin Politeknik në Inxhinieri hidroteknike në vitin 2005 dhe plotëson kërkesat e VKM nr. 958 mbi edukimin dhe eksperiencën në profesion;

4. ERRU në vlerësimin e kërkesës për licencim për herë të parë ka marrë në konsideratë përmbushjen nga ana e shoqërisë Rajonale UK Berat sh.a, të:

- a) Kërkesave të ligjit nr. 8102 si dhe kuadrit rregullator në fuqi, në mënyrë të veçantë plotësimin e kushteve si aftësi tekniko-profesionale, aftësi financiare të nevojshme për të përmbushur funksionet dhe për të plotësuar kushtet e licencës, përvojën në sektorin e ujësjiellësve dhe kanalizimeve të mjaftueshme për të marrë përsipër detyrimet që ka licenca, si dhe mbrojtjen e interesave të konsumatorëve në lidhje me cilësinë, efikasitetin, vazhdueshmërinë dhe garancinë e shërbimit;
- b) Kërkesave të ligjit nr. 9121, datë 28.7.2003 “Për mbrojtjen e Konkurrencës” të ndryshuar, (**ligji nr. 9121**) për mos lejimin e abuzimit me pozitën dominuese në treg të ndërmarrjes veçanërisht në lidhje me kufizimin e tregjeve;

Për gjithë sa më sipër Komisioni Kombëtar Rregullator, pasi arriti në përfundimin se kërkesa e shoqërisë Rajonale UK Berat sh.a është e bazuar ligjërisht dhe plotëson kërkesat ligjore të parashikuara në kuadrin rregullator në fuqi,

#### **VENDOSI:**

1. Licencimin e Shoqërisë Rajonale Ujësjiellës Kanalizime Berat sh.a me (NUIS M23511002O), në kategoritë:
  - a) Kategoria A - Për grumbullimin dhe shpërndarjen e ujit për konsum publik;
  - b) Kategoria C - Për largimin e ujërave të ndotura;
2. Shoqëria Rajonale Ujësjiellës Kanalizime Berat sh.a autorizohet të kryejë veprimtaritë e licencuara me:
  - a) Drejtues Ligjor – Pelivan Sinaj
  - b) Drejtues Teknik – Evis Allajbe

3. Zona e shërbimit të shoqërisë Rajonale Ujësjetllës Kanalizime Berat sh.a janë Bashkitë Berat, Skrapar, Poliçan, Dimal, Kuçovë.
4. Kjo licencë është e vlefshme për një periudhë 4 vjeçare.
5. Drejtuesi ligjor i shoqërisë Rajonale Ujësjetllës Kanalizime Berat sh.a detyrohet të nënshkruajë Kushtet e Licencës brenda 10 ditëve nga data e njoftimit.
6. Ngarkohet Drejtoria Tekniko Ekonomike të njoftojë shoqërinë Rajonale Ujësjetllës Kanalizime Berat sh.a për marrjen e këtij vendimi.
7. Vendimi i KKRR nr.143, datë 27.11.2020 për "Licencimin e Shoqërisë Ujësjetllës Kanalizime Dimal sh.a.", shfuqizohet. Vendimi i KKRR nr.318, datë 20.08.2021 për "Licencimin e Shoqërisë Ujësjetllës Kanalizime Skrapar sh.a.", shfuqizohet. Vendimi i KKRR nr.475, datë 09.12.2021 për "Licencimin e Shoqërisë Ujësjetllës Kanalizime Poliçan sh.a.", shfuqizohet. Vendimi i KKRR nr.518, datë 21.12.2021 për "Licencimin e Shoqërisë Ujësjetllës Kanalizime Berat-Kuçovë sh.a.", shfuqizohet;

Ky vendim hyn në fuqi menjëherë.

Ky vendim publikohet në Fletoren Zyrtare.

**KRYETAR**  
**Ndriçim Shani**